



		REPUBLIKA E KOSOVËS / REPUBLIC OF KOSOVO AGJENCIA KUNDER KORRUPSIONIT AGENCIJA PROTIV KORRUPCIJE ANTI-CORRUPTION AGENCY	
Dep.	DPKI	Nr. Prot.	06-01/1940/19
Dep.		Bil. Prot.	
Dep.		Prot No.	
Nr. Ifaq.		Data:	
Broj stranica	02	Datum:	02.09.2019
Nr. pages		Date:	



Republika e Kosovës

Republika Kosova - Republic of Kosovo

AGJENCIA KUNDËR KORRUPSIONIT
AGENCIJA PROTIV KORRUPCIJE
ANTI-CORRUPTION AGENCY

Në mbështetje të nenit 11 (paragrafi 1.1), nenit 5 (paragrafi 1 pika 1.5), nenit 18 (paragrafi 10 dhe 11) të Ligjit nr. 03/L-159 për Agjencinë kundër Korrupsionit, si dhe nenit 19 (paragrafi 11) të Rregullores nr. 01/2014 së Punës të Agjencisë kundër Korrupsionit, Drejtori i Agjencisë kundër Korrupsionit me datë 16.08.2019, mori:

V E N D I M

I. Mbylljet rasti me nr. *AKK-DPKI-06-01/1014/19*, për zyrtarin e lartë publik z. Bujar Gjikolli, Drejtor i Klinikës së Radiologjisë – Qendra Klinike dhe Universitare e Kosovës, për shkak se ështëshmangur gjendja e papajtueshmërisë dhe konfliktit të interesit në ushtrim të funksionit publik.

II. Rasti mund të rihapet në çdo kohë kur mund të paraqiten rrethana të reja.

A r s y e t i m

Rasti i hapur nën dyshimin për Konflikt Interesi në ushtrimin e funksionit publik për zyrtarin e lartë z. Bujar Gjikolli, Drejtor i Klinikës së Radiologjisë në Qendrën Klinike dhe universitare të Kosovës, është trajtuar sipas procedurës së paraparë në Ligjin Nr.06/L-011, për parandalimin e konfliktit të interesit në ushtrimin e funksionit publik. Pas informatës së marrë nga jashtë me pretendime për dyshim të konfliktit të interesit, lidhur me zyrtarin e lartë z. Gjikolli, i cili duke qenë Drejtor i Klinikës së Radiologjisë në QKUK, i njëjti ushtron edhe tri funksione tjera dhe atë si në vijim: funksionin e Dekanit në Fakultetin e Radiologjisë pranë *Kolegji Privat "AAB"*, Drejtor Mjekësor pranë *Spitalit Privat Sante Plus* dhe përfaqësues i autorizuar në Organizatën jo-qeveritare Fondacionin Kosova *Open Medical Club – KOMC*.

Agjencia kundër Korrupsionit e ka njoftuar zyrtarin e lartë me një shkresë zyrtare për fillimin e shqyrimit të gjendjes së konfliktit të interesit. Pas pranimit të kësaj shkresë është organizuar një takim me zyrtarin e lartë në Agjencinë kundër Korrupsionit. Gjatë këtij takimi zyrtari i lartë është njoftuar se gjatë ushtrimit të funksionit publik në cilësinë e zyrtarit të lartë publik nuk mund të ushtroj njëkohësisht edhe funksionin drejtues – Dekan në Fakultetin e Radiologjisë në Kolegjin AAB, sepse është i ndaluar me nenin 13 të Ligjit Nr.06/L-011, tek Papajtueshmëria me ushtrimin e funksionit publik, i cili përcakton shprehimisht si në vijim:



1. Zyrtari i lartë nuk mund të jetë menaxher, përfaqësues i autorizuar ose anëtar i ndonjë organi menaxhues apo mbikëqyrës i personave juridikë privatë, fitimprurës sipas ligjit përkatës për shoqëritë tregtare dhe organizatave joqeveritare, përjashtuar subjektet e përcaktuara në nenin 14 të këtij ligji, subjektet politike si dhe rastet kur një funksion i tillë i dedikohet me ligj për shkak të funksionit.

Gjithashtu, zyrtari i lartë z. Bujar Gjikolli, është njoftuar se nuk mundet të jetë përfaqësues i autorizuar në Organizatën jo-qeveritare Fondacionin KOMC, pasi që kjo është e ndaluar me nenin 14, paragrafi 1, të Ligjit nr. 06/L-011 për Parandalimin e konfliktit të interesit në ushtrimin e funksionit publik, i cili shprehimisht përcakton:

“Zyrtari i lartë mund të jetë anëtar i organit drejtues, me përjashtim të funksionit drejtues, të organizatës joqeveritare nga lëmi i shkencës, sportit, arsimit, kulturës, veprimtarive humanitare dhe të ngjashme pa të drejtë shpërblimi me pagesë, përvëç të drejtës në kompensimin e shpenzimeve të udhëtimit dhe të tjera të lidhura me to”.

Me këtë rast, zyrtari i lartë z. Bujar Gjikolli, është pajtuar me faktet e prezantuara nga Agjencia kundër Korruptionit lidhur me situatën e konfliktit të interesit dhe ka premtuar se do të ndërmarrë veprimet e parapara në mënyrë që ta shmang gjendjen e konfliktit të interesit.

Ndërkohë, Agjencia ka pranuar shkresat zyrtare DPKI-06-01/1266/19 dhe DPKI-06-02/1725/19 me të cilat dëshmohet se zyrtari i lartë ka dhënë dorëheqje nga funksioni i Dekanit të Fakultetit të Radiologjisë në Kolegin AAB dhe nga funksioni i përfaqësuesit të autorizuar në Organizatën jo-qeveritare Fondacionin Kosova Open Medical Club – KOMC.

Ndërsa sa i përket pretendimit se zyrtari i lartë z. Gjikolli, ushtron pozitën e Drejtorit Mjekësor pranë Spitalit Privat *Sante Plus*, Agjencia kundër Korruptionit pas shkresës zyrtare DPKI 06/1390/19, që e ka pranuar nga Spitali në fjalë ka konstatuar se z.Bujar Gjikolli nuk ushtron asnjë funksion pranë këtij spitali.

Pas zhvillimit të procedurës së paraparë si dhe me veprimet që i ka ndërmarr zyrtari i lartë z. Bujar Gjikolli, Drejtor i Klinikës së Radiologjisë në Qendrën Klinike dhe universitare të Kosovës është shmangur gjendja e konfliktit të interesit në ushtrimin e funksionit publik. Andaj u vendos si në dispozitiv të këtij vendimi.

II. Në mbështetje të nenit 18 (paragrafi 11) të Ligjit nr. 03/L-159 për Agjencinë kundër Korruptionit, Agjencia mund të rihap rastin në çdo kohë nëse paraqiten rrethana të reja.

Shaip Havollli

Drejtor i Agjencisë kundër Korruptionit

Vendimi iu dërgohet:

- Zyrtarit të lartë publik
- Drejtorit të DPK- së
- Z./zpj. (zyrtari përgjegjës)